

Broj: 101-792/21**Datum:** 23.04.2021.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH" broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *nabavku rezervnih komponenti za personalnu i tehnološku računarsku opremu za potrebe ugovornog organa Radiotelevizije Bosne i Hercegovine* izabran ponuđač MEDIA MARKET d.o.o. iz Sarajeva.

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine br. 101-284/21 od 11.02.2021. godine Komisija za javne nabavke je pokrenula proceduru po otvorenom postupku nabavke koji za predmet nabavke ima *nabavku rezervnih komponenti za personalnu i tehnološku računarsku opremu za potrebe ugovornog organa Radiotelevizije Bosne i Hercegovine*.

Na predmetni postupak nabavke, objavljen 22.03.2021. godine pod brojem 113-1-1-38-3-38/21 na web portalu elektronskih javnih nabavki www.ejn.gov.ba, kao i u „Službenom glasniku BiH“ br. 19/2021 od 26.03.2021. godine, a u skladu sa članom 25. Zakona o javnim nabavkama Bosne i Hercegovine, nakon što je tendersku dokumentaciju preuzelo 19 (devetnaest) kandidata, ponude su dostavila 2 (dva) ponuđača i to:

▪ Media Market d.o.o. Sarajevo	KM	10.252,22 KM (bez PDV-a)	11.995,10 KM (sa PDV-om)
▪ Emado d.o.o. Sarajevo	KM	9.850,00 KM (bez PDV-a)	11.524,50 KM (sa PDV-om)

Provjerom primljenih ponuda, komisija je ustanovila da su obje ponude u potpunosti validne, u skladu sa tenderskom dokumentacijom i Zakonom o javnim nabavkama Bosne i Hercegovine, pa su se kvalificirale za postupak e-aukcije.

E-aukcija je zakazana i provedena dana 19.04.2021. godine u periodu od 11.00 do 11.30 sati, i na njoj je samo ponuđač Media Market mijenjao svoju prvobitnu cijenu. Konačan redosljed ponuđača, prema Izvještaju o toku i završetku e-aukcije od 20.04.2021. godine, dobijenog sa web portala elektronskih javnih nabavki www.ejn.gov.ba je sljedeći:

1. Media Market d.o.o. Sarajevo
2. Emado d.o.o. Sarajevo

KM 9.840,00 + PDV
KM 9.850,00 + PDV


Detalji o provedenoj e-aukciji, te o konačnim rezultatima i redoslijedu ponuđača dati su u **Zapisniku o pregledu i ocjeni ponuda i Izvještaju o toku i završetku e-aukcije**, koji čine sastavne dijelove ove **Odluke**.

Nakon svega navedenog, uzimajući u obzir priloženi **Izvještaj o toku i završetku e-aukcije, Izvještaj Komisije za javne nabavke**, te činjenicu da se dodjela ugovora, sukladno članu 64. stav (1) tačka b) ZJN, zasniva isključivo na najnižoj cijeni tehnički zadovoljavajuće ponude, ugovorni organ Radiotelevizija Bosne i Hercegovine odlučio je kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornom organu, kao prvostepenoj instanci u postupku, u roku od 10 (deset) dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.

Saglasan:


Generalni direktor BHRT-a
Belmin Karamehmedović

Dostaviti:

- Media Market d.o.o. – Sarajevo
- Emado d.o.o. – Sarajevo
- Arhiva